



Adresa: **Ul. Hamdije Ćemerlića 39 a**
71000 Sarajevo
<http://www.voda.ba>

tel. +387 33 726-412
fax. +387 33 726-423
e – mail: info@voda.ba

Broj: UP-1/21-1-40-488-8/22
Datum: 30.12.2022.godine

«Agencija za vodno područje rijeke Save» Sarajevo rješavajući po zahtjevu Općine Foča Ustikolina podnesenog putem kabineta Načelnika Općine za izdavanje prethodne vodne saglasnosti za uređenje odmarališta sa hair česmom pored rijeke Drine na lokalitetu zvanom „Prljage“, na osnovu člana 109. Zakona o vodama («Službene novine Federacije BiH», broj 70/06), člana 16. stav (1) tačka 14. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o prethodnoj vodnoj saglasnosti**

1. Daje se prethodna vodna saglasnost Općini Foča za uređenje na lokalitetu poznatom kao „Prljage“, na dijelu parcele označene kao k.č. 2618/1 i 2604/1 K.O. Njuhe, Općina Foča a u postupku pribavljanja urbanističke saglasnosti.
2. Prethodna vodna saglasnost se daje na osnovu pregleda dostavljene dokumentacije od stane podnosioca zahtjeva i pod sljedećim uslovima:
 - 2.1. Izraditi i revidovati investiciono-tehničku dokumentaciju na osnovu koje će se izvoditi radovi na nivou potrebnom za ishodovanje odobrenja za građenje.
 - 2.2. Projektnom dokumentacijom treba da se obuhvati tehničko rješenje uređenja odmarališta sa pratećim sadržajima, a projekat između ostalog treba sadržavati:
 - Situativni prikaz sa nivelacijom površina i rasporedom planiranih sadržaja u odnosu na rijeku Drinu, postojeću saobraćajnicu M20 dionica 009.
 - Rješenje odvodnje obrinskih voda sa uređenih površina;
 - Prilikom definisanja normalnih profila uvažiti i uslove koji se odnose izgrađenost obale, morfologiju terena, razvojno – plansku dokumentaciju, uslove koje će propisati JP Ceste Federacije BiH, geološki sastav korita i sl.;
 - Projektnom dokumentacijom definisati organizaciju i tehnologiju izvođenja radova na obalnom pojasu rijeke Drine, te definisati mjere koje je potrebno poduzeti u toku izvođenja radova kako ne bi došlo do erozionih procesa na obalnom području rijeke Drine kao i negativnih uticaja na putnu infrastrukturu.
 - Projektna dokumentacija treba da bude urađena na zakonski zahtijevanom nivou za ovu vrstu radova i da sadrži sve opće i tehničke elemente propisane zakonima iz ove oblasti.
3. Po izradi projektne dokumentacije u skladu sa uslovima iz dispozitiva ovog Rješenja, korisnik prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti na projektnu dokumentaciju. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata.

Uz zahtjev se prilaže:

- Revidovana projektna dokumentacija izrađena u skladu sa uslovima iz dispozitiva ovog rješenja;
 - Kopija urbanističke saglasnosti i okolinske dozvole izdate od strane nadležnog organa;
 - Dokaz o izvršenoj uplati upravne takse u iznosu od 60 KM;
4. Ovu prethodnu vodnu saglasnost će podnosilac zahtjeva koristiti u postupku pribavljanja urbanističke saglasnosti za uređenje odmarališta sa hair česmom pored rijeke Drine na lokalitetu zvanom „Prljage“ i ona definiše sve uslove koji se, sa aspekta voda, moraju ispoštovati prilikom izrade projektne dokumentacije za pribavljanje građevinske dozvole.
5. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
6. Ova prethodna vodna saglasnost se daje sa rokom važenja od 3 (tri) godine od dana pravosnažnosti ovog rješenja.

O b r a z l o ž e n j e

Dana 16.09.2022. godine, pravno lice Općina Foča Ustikolina se putem kabineta Načelnika Općine, obratila ovoj Agenciji, sa zahtjevom za izdavanje prethodne vodne saglasnosti za uređenje odmarališta sa hair česmom pored rijeke Drine na lokalitetu zvanom „Prljage“, a u postupku pribavljanja urbanističke saglasnosti.

Uz zahtjev je dostavljena i sljedeća dokumentacija:

- Kopija Katastarskog plana, razmjera 1:2500, za parcelu k.č. broj: 2604/1 K.O. Njuhe, Općina Foča,
- Kopija Katastarskog plana, razmjera 1:2500, za parcelu k.č. broj: 2618/1 K.O. Njuhe, Općina Foča,
- Obavještenje o razvrstavanju pravnog lica prema klasifikaciji djelatnosti – identifikacijski broj Općine Foče,
- Rješenje JP Ceste Federacije BiH UP-I/:02.3-23-100/22AP od 25.05.2022.,
- Dokaz o uplati upravne takse za izdavanje vodnog akta,
- Studija za prethodnu vodnu saglasnosti - Spomen park Fočanska hair česma, urađena od strane „Sendo“ d.o.o. Sarajevo, oktobar 2022 godine,
- Mišljenje o usklađenosti planiranih aktivnosti sa dokumentima prostornog uređenja, izdato od strane organa uprave nadležnog za prostorno planiranje za parcelu k.č. broj: 2604/1 K.O. Njuhe, Općina Foča,
- Mišljenje o usklađenosti planiranih aktivnosti sa dokumentima prostornog uređenja, izdato od strane organa uprave nadležnog za prostorno planiranje za parcelu k.č. broj: 2618/1 K.O. Njuhe, Općina Foča.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari. U skladu sa članom 124. stav (1) Zakona o vodama i člana 5. Pravilnika o izmjeni i dopuni pravilnika o sadržaju, obliku, uvjetima, načinu izdavanja i čuvanja vodnih akata («Službene novine FBiH» broj 63/22) o predmetnom zahtjevu je dana 20.12.2022. godine, obavještena javnost putem obavještenja u dnevnom listu «Oslobođenje» i na oglasnoj ploči «Agencije za vodno područje rijeke Save» Sarajevo. U datom roku nije bilo pisanih izjašnjenja o aktivnostima iz zahtjeva.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na režim voda i prava na vode dodjeljena drugim korisnicima, podnosiocu zahtjeva su ovim vodnim aktom, u tački 2. dispozitiva rješenja, shodno odredbama Zakona o vodama i Pravilnika o sadržaju, obliku, uslovima, načinu izdavanja i čuvanja vodnih akata, propisani uslovi koje je dužan da ispuni prilikom izrade projektne dokumentacije koja će Investitoru biti potrebna u postupku pribavljanja vodne saglasnosti i odobrenja za građenje.

U provedenom postupku konstatovano je sljedeće:

Na lokalitetu poznatom kao „Prljage“ pored rijeke Drine planirana je izgradnja odmarališta sa hair česmom površine dimenzija 8,0x5,0 m. Predviđeno je uređenje predmetne lokacije i oivičenje zelenih površina sa montažom spomen hair česme.

Utvrdeno je da zemljišna čestica k.č. 2604/1 K.O. Njuhe, Općina Foča u potpunosti pripada zemljištu označenom kao javno vodno dobro, te da kao takva podliježe ograničenjima i zabranama u skladu sa članom 12. Zakona o vodama. U skladu sa navedenim članom Zakona o vodama, stav (1) tačka 1. člana 12., dozvoljava se izvođenje zahvata koji po svojoj i namjeni i funkciji imaju karakter objekata javne infrastrukture.

Nakon uvida u dostavljenu dokumentaciju, utvrđeno je da, shodno članu 109. stav (1) tačka 9. Zakona o vodama i članu 16. stav (1) tačka 14. Pravilnika o sadržaju, obliku, uslovima, načinu izdavanja i čuvanja vodnih akata, sa aspekta sektora voda ne postoje smetnje da se podnosiocu zahtjeva izda prethodna vodna saglasnost za uređenje odmarališta sa hair česmom pored rijeke Drine na lokalitetu zvanom „Prljage“, pa je riješeno kao u dispozitivu ovog rješenja.

Podnosilac zahtjeva je uplatio upravnu taksu u iznosu od 80 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH» broj: 06/98, 8/00, 45/10 i 43/13).

Uplaćeni su i posebni troškovi prema Zaključku ove Agencije broj UP-1/21-1-40-488-8/22 od 29.12.2022. godine.

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Nihad Pezo, dipl.inž.građ.

**Po ovlaštenju
Rukovodilac sektora za izdavanje
vodnih akata**


Haris Ališehović, dipl.inž.građ.

Dostaviti:

- Općina Foča, Omladinska bb. 73250 Ustikolina
- AVP Sava, ISV - vodna knjiga - ovdje
- ⊖ Arhiva - ovdje
- Oglasna ploča AVP Sava